



□ 11
2971
36



口口
2971
36

神農本草經

子史鈎沈

神農本草經

上經

逸書考

甘泉黃奭學

上藥一百二十種為君主養命以應天無害
多服久服不傷人欲輕身益氣不老延季老
本上經

丹沙

雲母

玉泉

石鍾乳

涅石

消石

朴消

滑石

石膽

神農本草經上

昭和十八年
一月十日
梅末

空青

曾青

禹餘糧

太乙餘糧

白石英

紫石英

五色石脂

白青

扁青 右玉石上

品一十八種舊同

昌蒲

鞠華

人參

天門冬

甘草

乾地黄

朮

兔絲

牛膝

充蔚子

女萎

防葵

茈胡

麥門冬

獨活

車前子

木香

署豫

薏苡仁

澤瀉

遠志

龍膽

細辛

石斛

巴戟天

白英

白蒿

赤箭

奄闔

析菹子

著實

赤黑青白黃紫芝

卷柏

藍實

芎藭

薜蘿

黃連

絡石

疾藜子

黃耆

肉松容

防風

蒲黃

香薷

續斷

漏蘆

瑩實

天名精

決明子

丹參

茜根

飛廉

五味子

旋華

蘭草

蛇牀子

地膚子

景天

因陳

杜若

沙參

白兔藿

徐長卿

石龍芻

薇銜

雲實

王不留行

升麻

青蘘

姑活

別羈

屈草

淮木

右草上品六十三種舊十一二種

牡桂

茵桂

松脂

槐實

枸杞

柏實

伏苓

榆皮

酸棗

欒木

乾漆

五加皮

蔓荊實

辛夷

桑上寄生

杜仲

女貞實

木蘭

蕤核

橘柚

右木上品二十九種

髮髮右人一
種舊同

龍骨

麝香

牛黃

熊脂

白膠

阿膠右獸
上品

六種
舊同

丹雄雞

鴈肪

右禽上品
二種舊同

石蜜

蜂子

蜜臘

牡蠣

龜甲

桑螵蛸

海蛤

文蛤

蠡魚

鯉魚膽

右蟲魚上品
一十種舊同

藹實莖

大棗

葡萄

蓬藚

雞頭實

右果上品五
種舊六種

胡麻

麻蕒

石米穀上品
二種舊三種

冬葵子

菟實

瓜蒂

瓜子

苦菜

右菜上品
五種舊同

丹沙味甘微寒主身體五藏百病養精神安

魂魄益氣明目殺精魅邪惡鬼久服通神明

不老能化為永生山谷太平御覽引多有生
山谷三字大觀本作

生符陵山谷俱作黑字考生山谷是經文後
人加郡縣耳宜改為白字而以郡縣為黑字

下皆仿此

吳普本草曰丹沙神農甘黃帝岐伯皆有

毒扁鵲苦李氏大寒或生武陵採無時能

化朱成水銀畏磁石惡鹹水太平御覽

名醫曰作末名真朱光色如雲母可析者

夏生符陵山谷采無時

案說文云丹巴越之赤石也象采丹井、象丹形古文作回亦作彤沙水散石也傾丹沙所化爲水銀也管子地數篇云山上赤天七百歲生赤丹赤丹七百歲生赤傾高誘云赤丹丹沙也山海經云丹粟粟沙

之緩急也沙舊作砂非禾卽頌省文列傳云赤斧能作水頌鍊丹與消石服之避金石之藥古人云久服輕身延年者謂避穀絕人道或服數十年乃効耳今人補肉食服之遂多相反轉以疾疾不可疑古書之虛誣

味甘平主身皮死肌中風寒熱如在車

上除邪氣安五藏益子精明日久服輕身

一名雲珠一名雲華一名雲英一名雲

一名雲沙一名磷石生山谷

考醫曰生太山齊廬山及琅邪北定山石

二月采此錄名醫說者卽是仲景元化及普所說但後人合之無從別

耳亦以補普

書不備也
案列僊傳云方回鍊食雲母抱朴子僊藥
篇云雲母有五種五色並具而多青者名
雲英宜以春服之五色並具而多赤者名
雲珠宜以夏服之五色並具而多白者名
雲液宜以秋服之五色並具而多黑者名
雲母宜以冬服之但有青黃二色者名雲
沙宜以季夏服之晶晶純白名磷石可以
四時長服之也李善文選注引異物志雲
母一名雲精入地萬歲不朽說文無
磷字玉篇云磷薄也雲母之別名

泉味甘平主五藏百病柔筋強骨安魂魄

肌肉益氣久服耐寒暑御覽引耐字不飢

不老神藥人臨死服五斤死三季色不

名玉札

服之長生不死若不得早服之臨死日生山

吳普曰玉泉一名玉屑神農岐伯雷公甘

李氏平畏冬華惡青竹神覽白玉札如白頭

公同上事類賦引云

案周禮玉府王齋則供食玉鄭云玉是陽
精之純者食之以禦水氣鄭司農云王齋
當食玉屑抱朴子德藥篇云玉可以烏米
酒及地榆酒化之為水亦可燒以為粉服之
為給亦可餌以為丸亦可燒以為粉服之
一季以上入水不露入火不灼刃之不傷

百壽不犯也。不可用。已成之器傷人無益。當得璞工乃可用也。得于闐國白玉尤善。其次有南陽涂善亭部界界中玉及日南盧容水中玉亦佳。

鍾乳味甘溫。主欬逆。上氣。明目。益精。安五

臧。通百節。利九竅。下乳汁。御覽引云一名雷公乳。大觀本作一

名公乳 生山谷

吳普曰：鍾乳一名虛中神農辛桐君黃帝

醫和甘扁鵲甘無毒。御覽引云李氏大寒 生山谷。御覽

引云太 陰處岸下溜汁成。御覽引作聚如山山谷

乳汁黃白色。空中相通。二月三月采。陰莖

凡吳普本草掌禹錫所引者不復注。惟注其出御覽諸書者。

名醫曰：一名公乳。一名蘆石。一名夏石。生

少室及太山。采無時。

案范子計然云：石鍾乳出武都黃白者善。列德傳云：叩疏煮石髓而服之。謂之石鍾乳。鍾當為鍾。說文云：乳汁也。鍾假音字。凡引計然多出藝文類聚文選注。御覽及大觀本草。

涅石。舊作礬石。据郭璞注。味酸寒。主寒熱洩

利。白沃陰蝕。惡創。目痛。堅筋骨。齒鍊。餌服之。

輕身不老。增季。一名羽磴。生山谷。

吳普曰礬石一名羽礬一名羽澤神農岐

伯酸扁鵲鹹雷公酸無毒生河西或隴西

或武都石門采無時岐伯久服傷人骨御覽

名醫曰一名羽澤生河西及隴西武都石

門采無時

案說文無礬字玉篇云礬石也礬礬石也

西山經云女牀之山其陰多涅石郭璞云

卽礬石也楚人名爲涅石秦名爲羽涅也

本草經亦名曰涅石也范子計然云礬石

出武都淮南子倣真訓云以涅染緇高誘

云涅礬石也舊涅石作礬石羽涅作羽礬

非

消石味苦寒主五藏積熱胃張閉滌去蓄結

飲食推陳致新除邪氣鍊之如膏久服輕身

御覽引云一名芒生山谷

吳普曰消石神農苦扁鵲甘凡出掌禹錫

覽者不

名醫曰一名芒消生益州及五都隴西

羌采無時

案范子計然云硝石出隴道掘名醫一名

芒消又別出芒消條非北山經云京山其

陰有元礬疑

礬卽消異文

朴消味苦寒主百病除寒熱邪氣逐六府積

聚結固雷癖能化七十二種石鍊餌服之輕

身神僂生山谷按御覽生山谷之陰有鹹苦之水狀如芒消而鹿

吳普曰朴硝石神農岐伯雷公無毒生益

州或山陰入土千歲不變鍊之不成不可

服御覽

名醫曰一名消石朴生益州有鹽水之陽

采無時

案說文云朴木皮也此蓋消石外裏如玉璞耳舊作硝俗字

滑石味甘寒主身熱洩瀉女子乳難癰閉利

小便蕩胃中積聚寒熱益精氣久服輕身耐

飢長年生山谷按御覽甘作苦疑誤又云生棘陽

名醫曰一名液石一名共石一名脫石一

名番石生赭陽及太山之陰或掖北白山

或卷山采無時

案范子計然云滑石白滑者善南越志云營城縣出滑石即滑石也

石膽味酸寒主明目目痛金創諸癩瘞女子

陰蝕痛石淋寒熱崩中下血諸邪毒氣令人

有子鍊餌服之不老久服增壽神僂能化鐵
為銅成金銀御覽引一作合成一名畢石生山谷

吳普曰石膽神農酸小寒李氏大寒桐君

辛有毒扁鵲苦無毒御覽引云一名黑石一名銅勒生羌道或

句青山二月庚子辛丑采

名醫曰一名黑石一名碁石一名銅勒生

羌道羌里句青山二月庚子辛丑日采

案范子計然云石膽出隴西羌道陶宏景云僂經一名立制石周禮瘍醫凡療瘍以五毒攻之鄭云今醫方有五毒之藥作之合黃整置石膽丹沙雄黃礬石慈石其

燒之三日三夜其煙上著以錐刺掃取之以注創惡肉破骨則盡出圖經曰故楊雄學士楊億嘗筆記直史館楊峒有瘍生心頰人語之依鄭法合燒藥成注之瘡中遂愈信古方攻病之速也

空青味甘寒主青盲耳聾明目利九竅通血

益養精神久服輕身延年不老能化銅鐵鈇

錫作金生山谷

吳普曰空青神農甘一經酸久服有神僂

玉女來時使人志高御覽

名醫曰生益州及越巂山有銅處銅精稟

則生空青其腹中空三月中旬采亦無時

案西山經云皇人之山其下多青郭美云空青會青之屬范子計然云空青出巴西

詞馬相如賦云丹青張揖云青青騰也顏師古云青騰今之丹青也

會青味酸小寒主目痛止淚出風痺利關節

通九竅破癥堅積聚久服輕身不老能化金

銅生山谷

名醫曰生蜀中及越嶲采無時

案管子揆度篇云秦明山之會青荀子云南海則有會青楊倞注會青銅之精范子計然云會青出宏農豫章白青出新涂青色者善淮南子地形訓云青天八百歲生

青會高誘云青會青石也

禹餘糧味甘寒主欬逆寒熱煩滿下

赤白血閉癥瘕大熱鍊餌服之不飢輕身延

年生池澤及山島中

名醫曰一名白餘糧生東海或池澤中

案范子計然云禹餘糧出河東列嶠傳云赤斧上華山取禹餘糧博物志云世傳昔禹治水棄其所餘食于江中而為藥也按此出神農經則禹非夏禹之禹或本名白餘糧名醫等移其名耳

太一餘糧味甘平主欬逆上氣癥瘕血閉漏

下除邪氣久服耐寒暑不飢輕身飛行千里
神饌御覽引作一名石齒生山谷

吳普曰太一禹餘糧一名禹哀神農岐伯

雷公甘平李氏小寒扁鵲甘無毒生太山

上有甲甲中有白白中有黃如雞子黃色

九月采或無時

名醫曰生太山九月采

案抱朴子金丹篇云靈丹經用丹沙雄黃雌黃石硫黃曾青礬石磁石戎鹽太一禹餘糧亦用六一泥及神室祭醮合之三十六日成

白石英味甘微溫主消渴陰痿不足欬逆御覽引作

引作胸膈閒久寒益氣除風溼痹御覽引作

久服輕身御覽引作長年生山谷

吳普曰白石英神農甘岐伯黃帝雷公扁

鵲無毒生太山形如紫石英白澤長者二

三寸采無時御覽引云久服通日月光

名醫曰生華陰及太山

案司馬相如賦有白附蘇林云白附白石英也司馬貞云出魯陽山

紫石英味甘溫主心腹欬逆御覽引作邪氣補

不足女子風寒在子宮絕孕十季無子久服
溫中輕身延年生山谷

吳普曰紫石英神農扁鵲味甘平李氏大
寒雷公大溫岐伯甘無毒生太山或會稽
采無時欲令如削紫色達頭如樗蒲者
又曰青石英形如白石英青端赤後者是
赤石英形如白石英赤端白後者是赤澤
有光味苦補心氣黃石英形如白石英黃
色如金赤端者是黑石英形如白石英黑

澤有光

御覽等禹錫
引此節文

名醫曰生太山采無時

青石赤石黃石白石黑石脂等味甘平主黃
疸洩利腸癰膿血陰蝕下血赤白邪氣癰腫
疽痔惡創頭瘍疥搔久服補髓益氣肥健不
飢輕身延季五石脂各隨五色補五藏生山
谷中

吳普曰五色石脂一名青赤黃白黑符青
符神農甘雷公酸無毒桐君辛無毒李氏

小寒生南山或海涯采無時赤符神農
 公甘黃帝扁鵲無毒李氏小寒或生少室
 或生太山色絳滑如脂黃符李氏小寒雷
 公苦或生嵩山色如純齒鴈雛采無時白
 符一名隨髓岐伯雷公酸無毒李氏小寒
 桐君甘無毒扁鵲辛或生少室天婁山或
 太山黑符一名石泥桐君甘無毒生洛西
 山空地
 名醫曰生南山之陽一作南陽又云

石脂一名石涅一名石墨

案吳普引神農甘云云五石脂各有條後
 世合爲一條也范子計然云赤石脂出河
 東色赤者善列僂傳
 云赤須子好食石脂

白青味甘平主明目利九竅耳聾心下邪氣
 令人吐殺諸毒三蟲久服通神明輕身延年
 不老生山谷

吳普曰神農甘平雷公酸無毒生豫章可
 消而爲銅御覽

名醫曰生豫章采無時

案范子計然云
白青出巴郡

扁青味甘平主目痛明目折跌癰腫金創不
瘳破積聚解毒氣御覽引作辟毒利精神久服輕身
不老生山谷

吳普曰扁青神農雷公小寒無毒生蜀郡
治丈夫內絕令人有子御覽引云治癰腫
風痺久服輕身

名醫曰生朱崖武都朱提采無時

秦范子計然云扁
青出去農豫章

右玉石上品一十八種舊同

昌蒲味辛溫主風寒溼痺欬逆上氣開心孔

補五藏通九竅明耳目出聲音久服輕身不

忘不迷或延季一名昌陽御覽引云生石上
一寸九節者久服

輕身云云人觀本無生石上三
字有云一寸九節者良作黑字生池澤

吳普曰昌蒲一名堯時韭藝文類聚引
云一名昌陽

名醫曰生上洛及蜀郡嚴道五月十二日

采根陰乾

案說文云芎藭昌蒲也益州生芎藭也廣
雅云芎藭昌蒲也周禮醢人云昌本鄭
云昌本昌蒲根切之四寸為菹春秋左傳
云饗以昌歌杜預云昌歌昌蒲菹呂氏春

秋云冬至後五旬七日昌始生昌者百草之先於是始耕淮南子說山訓云昌羊去蚤蝨而來蛤窮高誘云昌羊昌蒲列傳云商邱子胥食昌蒲根務光服蒲韭根離騷草木疏云沈存中云所謂蘭蓀即今昌蒲是也

鞠華味苦平主風頭眩腫痛目欲脫淚出皮膚死肌惡風溼痺久服利血氣輕身耐老延年一名節華生川澤及田野

吳普曰菊華一名白華初學記一名女華一

名女莖

名醫曰一名日精一名女節一名女華一

名女莖一名更生一名周盈一名傳延

一名陰成生雍州正月采根三月采葉

月采莖九月采花十一月采實皆陰乾

案說文云鞠治精也鞠日精也似秋華古省作款爾雅云鞠治精郭璞云今之秋華菊則鞠菊款皆秋華字惟今作菊說文以為大菊蓬麥假音用之也

人參味甘微寒主補五藏安精神定魂魄止

驚悸除邪氣明目開心益智久服輕身延季

一名人銜一名鬼蓋生山谷

吳普曰人參一名土精一名神草一名黃

參一名血參一名久微一名玉精神農甘
小寒桐君雷公苦岐伯黃帝甘無毒扁鵲
有毒生邯鄲三月生葉小兌枝黑莖有毛
三月九月采根根有頭足手面目如人御覽
名醫曰一名神草一名人微一名土精一
名血參如人形者有神生上黨及遼東二
月四月八月上旬採根竹刀刮暴乾無令
見風

案說文云蔓人蔓藥草出上黨廣雅云野
精人蔓也范子計然云人參出上黨狀如

人者善劉敬叔異苑云人參一名土
精生上黨者佳人形皆具能作兒嘯

天門冬味苦平主諸暴風溼偏痺強骨髓殺

三蟲去伏尸久服輕身益氣延年一名顛勒

爾雅注云門冬
一名滿冬今無文生山谷

名醫曰生奉高山二月七月八月采根暴

乾

案說文云藟藟藟冬也中山經云條谷
之山其草多藟冬爾雅云藟藟冬列禦
傳云赤須子食天門冬抱朴子儂藥篇云
天門冬或名地門冬或名筵門冬或名顛
棘或名淫羊
食或名管松

甘草味甘平主五藏六府寒熱邪氣堅筋骨

長肌肉倍力金創腫解毒久服輕身延年御覽

引云一名美草一名密甘大觀本作黑字生川谷

名醫曰一名密甘一名美草一名密草一

名路當作草生河西積沙山及上郡二月

八日除日采根暴乾十日成

案說文云甘甘草也藟大苦也苦大苦也
也廣雅云美草甘草也毛詩云隰有苓傳
云苓大苦爾雅云藟大苦郭璞云甘草
蔓延生葉似荷青黃莖赤黃有節節有枝
相當或云藟似地黃
此作甘省字藟苓通

乾地黃味甘寒主折跌絕筋傷中逐血痹填

骨髓長肌肉作湯除寒熱積聚除痹生者尤

良久服輕身不老一名地髓生川澤

名醫曰一名芑一名芑生咸陽黃土地者

佳二月八月采根陰乾

案說文云芑地黃也禮曰鉶毛牛藟羊芑
豕薇廣雅云地髓地黃也爾雅云芑地黃
郭璞云一名地髓江東呼
芑列禦傳云呂尚服地髓

木味苦溫主風寒溼痺死肌癰疽止汗除熱

消食作煎餌久服輕身延年不飢一名山薺

藝文類聚 引作山筋 生山谷

吳普曰朮一名山連一名山芥一名天蘇

一名山薑藝文類聚

名醫曰一名山薑一名山連生鄭山漢中

南鄭二月三月八月九月采根暴乾

案說文云菜山薺也廣雅云山薺菜也白朮牡丹也中山經云首山草多菜郭璞云菜山薺也爾雅云朮山薺郭璞云今朮似薺而生山中范子計然云朮出三輔黃白色者善列儻傳云消子好餌朮抱朴子儻藥篇云朮一名山薺一名山精故神藥經曰必欲長生長服山精

兎絲子味 主續絕傷補不足益氣力肥

健汁去面 久服明日輕身延季一名兔蘆

生川澤

吳普曰兔絲實一名玉女一名松蘿一名

烏蘿一名鴨蘿一名複實一名赤網生山

谷御覽

名醫曰一名菟縷一名唐蒙一名玉女一

名赤網一名兔纍生朝鮮田野蔓延草木

之上色黃而細為赤網色淺而大為兔纍

九月采實暴乾

案說文云蒙玉女也廣雅云兔邱兔絲也
女蘿松蘿也爾雅云唐蒙女蘿女蘿兔絲
又云蒙玉女毛詩云爰采唐矣傳云唐蒙
菜名又薦與女蘿傳云女蘿菟絲松蘿也
陸璣云今菟絲蔓連草上生黃赤如金今
合藥菟絲子是也非松蘿松蘿自蔓松上
枝正青與菟絲異楚詞云被薜荔兮帶女
蘿王逸云女蘿兔絲也淮南子云千秋之
松下有茯苓上有兔絲高誘注云茯苓干
歲松脂也菟絲生其上而無根舊作菟非
牛藜味苦酸御覽作主寒御覽作溼痿痺四肢
拘攣郛痛不可屈伸逐血氣傷熱火爛墮胎
久服輕身耐老御覽作一名百倍生川谷

吳普曰牛藜神農甘一經酸黃帝屣

李氏溫雷公酸無毒生河內或臨中

夏藍莖本赤二月八月采御覽

名醫曰生河內及臨朐二月八月十日

根陰乾

案廣雅云牛莖牛膝也陶宏景云其莖有節似膝故以為名也膝當為藜

充蔚子味辛微溫主明目益精除水氣久服

輕身莖主癰癤痒可作浴湯一名益母一名

益明一名大札生池澤

名醫曰一名貞蔚生海濱五月采

案說文云菴菴也廣雅云益母充蔚也爾雅云菴菴郭璞云今菴蔚也毛詩云中谷有菴傳云菴離也陸璣云舊說及魏博士濟陰周元明皆云菴間是也韓詩及三卷說悉云益母故曾子見益母而感劉歆曰菴臭穢臭穢即菴蔚也舊作菴非

女萎味甘平主中風暴熱不能動搖跌筋結

肉諸不足久服去面黑奸好顏色潤澤輕身

不老生山谷按御覽委萎在藥部八又有女萎在藥部十

吳普曰委萎一名葳蕤一名玉馬一名地

名蟲蟬一名烏萎一名熒一名燿

神農苦一經甘桐君雷公扁鵲甘無毒黃

帝辛生太山山谷葉青黃相值如薑二月

七月采治中風暴熱久服輕身御覽一名左

晒久服輕身耐老同上

名醫曰一名熒一名地節一名玉竹一名

馬熏生太山及邱陵立春後采陰乾

案爾雅云熒委萎郭璞云藥草也葉似竹大者如箭竿有節葉狹而長表白裏青根大如指長一二尺可啖陶宏景云按本經有女萎無萎蕤別錄有萎蕤而為用正同疑女萎即萎蕤也惟名異耳陳藏器云魏志樊阿傳青黏一名黃芝一名地節此即

雜 萎

防葵味辛寒主疝瘕腸洩胸光熱結溺不下
欬逆溫瘧癩癩驚邪狂走久服堅骨髓益氣
輕身一名黎蓋生山谷

吳普曰房葵一名黎蓋一名爵離一名房
苑一名晨草一名利如一名方蓋神農辛
小寒桐君扁鵲無毒岐伯雷公黃帝苦無
毒莖葉如葵上黑黃二月生根根大如桔
梗根中紅白六月花白七月八月實白三

川三日采根

御覽

名醫曰一名房慈一名爵離一名農果一
名利茹一名方蓋生臨淄及嵩高太山少
室三月三日采根暴乾

案博物志云防葵與狼毒相似

此胡味苦平主心腹去腸胃中結氣飲食積
聚寒熱邪氣推陳致新久服輕身明目益精
一名地薰

吳普曰此胡一名山菜一名茹草神農岐

伯雷公苦無毒生冤句二月八月采根

御覽

名醫曰一名山菜一名茹草葉一名芸蒿

辛香可食生宏農及冤句二月八月采根

暴乾

案博物志云芸蒿葉似那蒿春秋有白蕝長四五寸香美可食長安及河內並有之夏小正云正月采芸月令云仲春芸始生呂氏春秋云菜之美者華陽之芸皆即此也急就篇有芸顏師古注云即今芸蒿也然則是此芸胡葉矣此柴前聲相轉名醫別錄前胡條非陶宏景云本經上品有苽胡而無此晚來醫乃用之

麥門冬味甘平上心腹結氣傷中傷飽胃終

脈絕羸瘦短氣久服輕身不老不飢生川

及隄阪

吳普曰一名馬韭一名藟冬一名忍冬

名忍陵一名不死藥一名僕壘一名

太平御覽引云秦一名烏韭楚一名越一名羊韭齊一名愛韭一名禹韭神農岐伯甘平黃帝桐君雷公甘

毒李氏甘小溫扁鵲無毒生山谷肥

如韭肥澤叢生采無時實青黃

名醫曰秦名羊韭齊名愛韭楚名馬韭

名羊薯一名禹葭一名禹餘糧葉如韭冬

夏長生生函谷肥土石間久廢處二月三

月八月十月采陰乾

案說文云葱苾冬草中山經云青要之山是多僕纍據吳普說卽麥門冬也忍苾纍纍音同陶宏景云實如青珠根似穠麥故謂麥門冬

獨活味苦平主風寒所擊金瘡止痛賁瘰癧

瘰癧女子疝瘕久服輕身耐老一名羌活一名

羌青一名護羌使者生川谷

吳普曰獨活一名胡王使者神農黃帝苦

無毒八月采此藥有風花不動無風獨搖

御覽

名舊曰一名胡王使者一名狗搖草此藥

得風不搖無風自動生雍州或隴西南

二月八月采根暴乾

案列儻傳云山圖服羌活獨活則似二名護羌胡王皆羌字緩聲猶專諸爲專諸也庚公差爲庚公之斯非有義也

車前子味甘寒無毒主氣癰止痛利水道小

便除溼痹久服輕身耐老一名當道御覽有云一名

牛舌大觀本生平澤按徐本無無毒二字

一名醫曰一名芣苢一名蝦蟇衣一名牛...

一名勝鳥生真定邱陵阪道中五日...

采陰乾

案說文云芣苢一曰芣苢苢苢一名芣苢其實如李令人宜子周書所說廣雅云芣苢也爾雅云芣苢馬芣苢云今車前草大葉長穗好生道邊江車為蝦蟇衣又藿牛藿孫炎云車前一藿毛詩云采芣苢傳云芣苢馬芣苢車前也陸璣云馬芣苢一名車前一喜在牛蹟中生故曰車前當道也今人謂之牛舌草

木香味辛主邪氣辟毒疫溫鬼強志主淋露

御覽引云主氣不足大觀本作黑字久服不夢寤屬寐

御覽引云一名密香生山谷

名醫曰一名蜜香生永昌

署豫舊作署豫御覽作署豫是味甘溫主傷中補虛羸除

寒熱邪氣補中益氣力長肌肉久服耳目聰

明輕身不飢延年一名山芋生山谷

吳普曰薯蕷一名諸署御覽作署豫一名

諸齊越名山芋一名修腕一名兒草御覽引云

秦楚名玉延齊越名山芋神農甘小溫桐

鄭趙名山芋一名玉延君雷公甘御覽無毒或生臨胸鍾山始生

赤莖細蔓五月華白七月實青黃八月熟

落根中白皮黃類芋御覽引云二月三月

名醫曰秦楚名玉延鄭越名土諸生嵩高

二月八月采根暴乾

案廣雅云玉延諸蕒署預也北山經云景山草多諸蕒郭璞云根似羊蹄可食今江南單呼為諸語有輕重耳范子計然云諸蕒本出三輔白色者善本草衍義云山藥上一字犯宋英廟諱下一字曰蕒唐代宗名豫故改下一字為藥

薏苡仁味甘微寒主筋急拘攣不可屈伸風

溼痺下氣久服輕身益氣其根下三蟲一名

解蠱生平澤及田野

名醫曰一名屋茨一名起實一名贛生真

定八月采實采根無時

案說文云薏苡草一曰薏苡一曰薏苡廣雅云薏起實苡目也吳越春秋蘇娶於有莘氏之女名曰女嬃年壯未嫁嬉於砥山得薏苡而吞之意若為人所感因而妊孕後漢書馬援傳援在交趾常餽薏苡實用能輕身省欲以勝瘴薏俗作薏苡

澤瀉味甘寒主風寒溼痺乳難消水養五藏

益氣力肥健人服耳目聰明不飢延季輕身
面生光能行水上一名水瀉一名芒芋一名
鵠瀉生池澤

名醫曰生汝南五月八月采根陰乾

案說文云蕒水寫也爾雅云蕒蕒郭璞云今澤蕒又蕒牛屠郭璞云毛詩傳云水蕒也如續斷寸寸有節及之可復毛詩云言采其蕒傳云蕒水鳥也陸璣云今澤蕒也其葉如車前草大其味亦相似徐州廣陵人食之

遠志味苦溫主欬逆傷中補不足除邪氣利
九竅益智慧耳目聰明不忘強志倍力久服

輕身不老葉名小草一名棘菀陸德明爾雅音義引作菀

一名蔓繞御覽作要繞一名細草生山谷

名醫曰生太山及冤句四月采根葉陰乾

案說文云菀棘菀也廣雅云棘菀遠志也其上謂之小草爾雅云蔓繞棘菀郭璞云今遠志也似麻黃赤華葉銳而黃

龍膽味苦澀主骨閒寒熱驚癇邪氣續絕傷
定五藏殺蠱毒久服益智不忘輕身耐老一

名陵游生山谷

名醫曰生齊胸及冤句二月八月十一月

十二月采根陰乾

細辛味辛溫主欬逆頭痛腦動百節拘攣風溼痺痛死肌久服明目利九竅輕身長季一

名小辛生山谷

吳普曰細辛一名細草

御覽引云一名小辛神農黃

帝雷公桐君辛小溫岐伯無毒李氏小寒

如葵葉色赤黑一根一葉相連

御覽引云三月八月

采

名醫曰生華陰二月八月采根陰乾

案廣雅云細條少辛細辛也中山經云戲之山上多少辛郭璞云細辛也管子員篇云小辛大蒙范子計然云細辛出華陰色白者善

石斛味甘平主傷中除痺下氣補五藏虛勞

羸瘦強陰久服厚腸胃輕身延季一名林藟

御覽引云一名禁生大觀本作黑字生山谷

吳普曰石斛神農甘平扁鵲酸李氏寒

御覽

名醫曰一名禁生一名杜蘭一名石蓬生

六安水傍石上七月八月采莖陰乾

案范子計然云石斛出六安

巴戟天味辛微溫主大風邪氣陰痿不起強
筋骨安五藏補中增志益氣生山谷

名醫曰生巴郡及下邳二月八月采根陰

乾

白英味甘寒主寒熱八疸消渴補中益氣久

服輕身延季一名穀菜元本誤生山谷

名醫曰一名白草生益州春采葉夏采莖

秋采花冬采根

案爾雅云苻鬼目郭璞云今江東有鬼目草莖似葛葉圓而毛子如耳端也赤也

生唐本注白英云此鬼目草也

白蒿味甘平主五藏邪氣風寒溼痺補中益
氣長毛髮令黑療心懸少食常飢久服輕身

耳目聰明不老生川澤

名醫曰生中山二月采

案說文云蘩白蒿也艾水臺也廣雅云蘩母菊勃也爾雅云艾水臺郭璞云今艾白蒿夏小正云二月采蘩傳云蘩由胡由胡者繁母也繁母者有勃也爾雅云蘩幡蒿郭璞云白蒿又蘩由胡郭璞云未詳毛詩云于以采蘩傳云蘩幡蒿也又采蘩祁祁傳云蘩白蒿也陸機云凡艾白色者為幡蒿楚詞王逸注云艾白蒿也按幡白音義

皆相近艾是藥名本草經無者
即白蒿是也名醫別出艾條非

赤箭味辛溫主殺鬼精物蠱毒惡氣久服益
氣力長陰肥健輕身增年一名離母一名鬼
督郵生山谷

吳普曰鬼督郵一名神草一名閻狗或生

太山或少室莖如箭赤無葉根如芋子三

月四月八月采根日乾治癰腫

御覽

名醫曰生陳倉雍州及太山少室三月四

月八月采根暴乾

案抱朴子云按饒方中有合離草一名獨
搖一名離母所以謂之合離離母者此草
為物下根如芋魁有游子十二枚周環之
去大魁數尺雖相須而實不相連但以氣
相屬耳別說云今醫家見
用天麻即是此赤箭根

菴閣子舊作菴閣是味苦微寒主五藏瘀血

腹中水氣臚張雷熱風寒溼痺身體諸痛久

服輕身延季不老生川谷

吳普曰菴閣神農雷公桐君岐伯苦小溫

無毒李氏溫或生上黨葉青厚兩相當七

月花白九月實黑七月九月十月采驢馬

食儻去

御覽

名醫曰駮驢食之神儻生雍州亦生上黨

及道邊十月采實陰乾

案司馬相如賦有奄閭張揖云奄閭蒿也子可治疾

析莫子味辛微溫主明目目痛淚出除痺補

五藏益精光久服輕身不老一名蔑析一名

大戢一名馬辛生川澤及道旁

吳普曰析莫一名析目一名榮冥一名馬

驛雷公神農扁鵲辛李氏小溫四月采乾

二十日生道旁得細辛良畏乾薑苦參薺

實神農無毒生野田五月五日采陰乾治

治腹脹

御覽

名醫曰一名大薺生咸陽四月五月采暴

乾

案說文云莫析莫大薺也廣雅云析莫馬辛也爾雅云析莫大薺郭璞云薺葉細俗呼之曰老薺舊作薺非

著實味苦平主益氣充肌膚明目聰慧先知

久服不飢不老輕身生山谷

吳普曰著實味苦酸平無毒主益氣充肌
膚明目聰慧先知久服不飢不老輕身生

少室山谷九月采實暴乾

御覽

名醫曰生少室八月九月采實日乾

案說文云著蒿屬生千歲三百莖
史記龜策傳云著百莖共一根

赤芝味苦平主胸中結益心氣補中曾慧智
不忘久食輕身不老延季神僊一名丹芝黑
芝味鹹平主癰利水道益腎氣通九竅聰察
久食輕身不老延季神僊一名元芝青芝味

酸平主明目補肝氣安精魂仁恕久

不老延季神僊一名龍芝白芝味辛平

逆上氣益肺氣通利口鼻強志意勇悍

久食輕身不老延季神僊一名玉芝黃芝

甘平主心腹五邪益脾氣安神忠信和

食輕身不老延季神僊一名金芝紫芝味

溫主耳聾利關節保神益精氣堅筋骨好

色久服輕身不老延季一名木芝生山谷

六種
今并

吳普曰紫芝一名木芝

名醫曰赤芝生霍山黑芝生恒山青芝生

太山白芝生華山黃芝生蒿山紫芝生高

夏地上色紫形如桑御覽六芝皆無毒六月

八月采

案說文云芝神草也爾雅云茵芝郭璞注芝一歲三華瑞草禮內則云芝栢盧植注云芝木芝也楚詞云采三秀于山間王逸云三秀謂芝草後漢書華陀傳有漆葉黃芝散注引陀傳曰青藜者一名地節一名黃芝主理五藏益精氣本字書無藜字相傳音女廉反列僊傳云呂尚服澤芝子僊藥篇云赤者如珊瑚白者如截

者如澤漆青者如翠羽黃者如紫金而皆光明洞徹如堅冰也

卷柏味辛溫生山谷主五藏邪氣女子陰中

寒熱痛癥瘕血閉絕子久服輕身和顏色

名萬歲生山谷石間

吳普曰卷柏神農辛桐君雷公甘御覽引云一名

豹足一名求股一名萬歲一名神枝時生山谷

名醫曰一名豹足一名求股一名交時生

常山五月七月采陰乾

案范子計然云卷柏出三輔

藍實味苦寒主解諸毒殺蠱蚊注鬼蝥毒公服頭不白輕身生平澤

名醫曰其莖葉可以染青生河內

案說文云葳馬藍也藍染青草也爾雅云葳馬藍郭璞云今大葉冬藍也周禮掌染草鄭注云染草藍蔞象斗之屬夏小正五月啓灌藍毛詩云終朝采藍箋云藍染草也

芎藭味辛溫主中風入腦頭痛寒痺筋攣心急金創婦人血閉無子生川谷

吳普曰芎藭

御覽引云一名香果

神農黃帝岐

公辛無毒扁鵲酸無毒李氏生濕熱寒

生胡無桃山陰或太山

御覽作或僻谷西嶺或太山葉

香細青黑文赤如藁本冬夏叢生五月華

赤七月實黑莖端兩葉三月采根有節似

馬銜狀

名醫曰一名胡窮一名香果其葉名薜薜

生武功斜谷西嶺三月四月采根暴乾

案說文云營薜香草也芎可馬相如說或从弓春秋左傳云有山鞠窮乎杜預云鞠窮所以禦溼西山經云號山其草多芎藭郭璞云芎藭一名江離范子計然云芎

神農本草經
蕪生始無枯者善銷
蕪司馬貞引司馬
云今歷陽
呼為江離

蕪蕪味辛溫主欬逆定驚氣辟邪惡除蠱

鬼注去三蟲久服通神一名薇蕪生川

吳普曰蕪蕪一名芎藭御覽

名醫曰一名茺離芎藭苗也生雍州

句四月五月采葉暴乾

案說文云蕪蕪也離江離蕪蕪
蕪蕪蕪郭璞云香草葉小如
子云似蛇牀山海經云臭如
如賦有江離蕪蕪司馬貞引樊

一名蕪

黃連味苦寒主熱氣目痛背傷泣出明目腸

澀腹痛下利婦人陰中腫痛久服令人不忘

一名土連生川谷

吳普曰黃連神農岐伯黃帝雷公苦無毒

李氏小寒或生蜀郡太山之陽御覽

名醫曰生巫陽及蜀郡太山二月八月采

案廣雅云王連黃連也范子計
然云黃連出蜀郡黃肥堅者善

絡石味苦溫主風熱死肌癰傷口乾舌焦癰

腫不消喉舌腫水漿不下久服輕身明目潤
澤好顏色不老延季一名鯨石生川谷

吳普曰落石一名鯨石一名明石一名縣

石一名雲華一名雲珠一名雲英一名雲

丹神農苦小溫雷公苦無毒扁鵲桐君甘

無毒李氏大寒云藥中君采無時

御覽

名醫曰一名石蹉一名略石一名明石一

名領石一名縣石生太山或石山之陰或

高山巖石上或生人間正月采

案西山經云上申之山多磬石疑即此郭
璞云磬石大石兒非也唐本注云俗名
耐冬山南人謂之石血以其包絡石木而
生故名絡石別錄謂之石龍藤以石上生

者

疾藜子味苦溫主惡血破癥結積聚喉痺乳

難久服長肌肉明目輕身一名芴通一名屈

人一名止行一名豺羽一名升推

御覽引云一名水香

大觀本無文生平澤或道旁

名醫曰一名即藜一名茨生馮翊七月八

月採實暴乾

案說文云薺蒺藜也詩曰牆有薺以蒺爲
芽葦開屋字爾雅云蒺蒺藜郭璞云布地
蔓生細葉子有三角刺人毛詩云牆
有茨傳云茨蒺藜也舊本作蒺藜非

黃耆味甘微溫主癰疽久敗創排膿止痛大
風癩疾五痔鼠瘻補虛小兒百病一名戴糝
生山谷

名醫曰一名戴椹一名獨椹一名芟草一

名蜀脂一名百本生蜀郡白水漢中二月

十月采陰乾

肉松容味甘微溫主五勞七傷補中除莖中

寒熱痛養五藏強陰益精氣多子婦人癥瘕
久服輕身生山谷

吳普曰肉菹蓉一名肉松蓉神農黃帝鹹

雷公酸小溫御覽作李氏小溫生河西御覽作東山陰

地長三四寸叢生或代郡御覽下有二月

至八月采御覽引云

名醫曰生河西及代郡鴈門五月五日采

陰乾

案吳普云一名肉松蓉當是古本蓉卽容
字俗寫菹蓉非正字也陶宏景云是野馬

示農本草經
精落地所生時似
肉舊作肉菘蓉非

防風味甘溫無毒主大風頭眩痛惡風風邪

目盲無所見風行周身骨節疼痛御覽作痛煩滿

久服輕身一名銅芸御覽作芒生川澤按徐本無無毒二字

吳普曰防風一名迴雲一名回草一名百

枝一名藺根一名百韭一名百種神農黃

帝岐伯桐君雷公扁鵲甘無毒李氏小寒

或生邯鄲上蔡正月生葉細圓青黑黃白

五月花黃六月實黑三月十月采根日乾

瓊邪者良御覽

名醫曰一名苜草一名百枝一名屏風一

名藺根一名百蜚生沙苑及邯鄲瓊邪上

蔡二月十月采根暴乾

案范子計然云防風出三輔白者善

蒲黃味甘平主心腹旁光寒熱利小便止血

消瘀血久服輕身益氣力延季神僂生池澤

名醫曰生河東四月采

案玉篇云蒿謂今蒲頭有臺臺上有重臺中出黃即蒲黃陶宏景云此即蒲釐花上

黃粉也饌經亦用此攷爾雅苻離上蒿苻離與蒲菴聲相近疑卽此

香蒲味甘平主五藏心下邪氣口中爛臭堅

齒明目聰耳久服輕身耐老御覽作一名眈能老

御覽云生池澤

吳普曰眈一名眈石一名香蒲神農雷公

甘生南海池澤中御覽

名醫曰一名醮生南海

案說文云苦草也玉篇云苦香草也又音蒲本草圖經云香蒲蒲黃苗也春初生嫩葉未出水時紅白色此葺然周禮以為菹

續斷味苦微溫主傷寒補不足金創癰傷折

跌續筋骨婦人乳難御覽作乳癰云崩中久漏血大觀本作黑字

服益氣力一名龍豆一名屬折生山谷

名醫曰一名接骨一名南草一名槐生常

山七月八月采陰乾

案廣雅云衰續斷也范子計然云續斷出三輔桐君藥錄云續斷生蔓延葉細莖如荏大根木黃白有汁七月八月采根

漏蘆味苦鹹寒主皮膚熱惡創疽痔溼痹下

乳汁久服輕身益氣耳目聰明不老延季一

名野蘭生山谷

名醫曰生喬山八月采根陰乾

案廣雅云飛廉扁蘆也陶宏景云俗中取根名鹿驪

營實味酸溫主癰疽惡創結肉跌筋敗創熱

氣陰蝕不瘳利關節一名牆薇一名牆麻一

名牛棘生川谷按御覽薔薇一名牛膝一名薔棘

吳普曰薔薇一名牛勒一名牛膝一名薔

薇一名山棗御覽

名醫曰一名牛勒一名薔薇一名山棘生

零陵及蜀郡八月九月采陰乾

案陶宏景云卽是牆薇子

天名精味甘寒主瘀血血痕欲死下血止血

利小便久服輕身耐老一名麥句薑一名蝦

蟄藍一名豕首生川澤

名醫曰一名天門精一名玉門精一名彘

顛一名蟾蜍蘭一名覲生平原五月采

案說文云豕首也爾雅云芴豕首郭璞云今江東呼猪首可以燭蠶蛹陶宏景云此卽今人呼爲豨豨唐本云鹿活草是也別錄一名天蔓菁南人呼爲地松掌禹

錫云陳藏器別立地菘條後人不當仍其謬

決明子味鹹平主青盲目淫膚赤白膜眼赤

痛淚出久服益精光太平御覽引作理目珠精理即治字輕身

生川澤

吳普曰決明子一名草決明一名羊明御覽

名醫曰生龍門石決明生豫章十月采陰

乾百日

案廣雅云羊薊薊英光也又決明羊明也爾雅云薊若英光郭璞云英明也葉黃鏡赤華實如山茶黃陶宏景云形似馬蹄決明

丹參味苦微寒主心腹邪氣腸鳴幽幽如走水寒熱積聚破癥除瘕止煩滿益氣一名卻蟬草生川谷

吳普曰丹參一名赤參一名木羊乳一名

卻蟬草神農桐君黃帝雷公扁鵲苦無毒

李氏大寒岐伯鹹生桐柏或生太山山陵

陰莖華小方如荏苒有毛根赤四月華紫五

月采根陰乾治心腹痛御覽

名醫曰一名赤參一名木羊乳生桐柏山

及太山五月采根暴乾

案廣雅云卻蟬丹參也

茜根味苦寒主寒溼風痺黃疸補中生川谷

名醫曰可以染絳一名地血一名茹慮一

名茅蒐一名蒨生喬山二月三月采根暴

乾

案說文云茜茅蒐也蒐茅蒐茹慮人血所主可以染絳从草从鬼廣雅云地血茹慮蒨也爾雅云茹慮茅蒐郭璞云今蒨也所以染絳毛詩云茹慮在阪傳云茹慮茅蒐也陸璣云一名地血齊人謂之茜徐州人謂之牛蔓徐廣注史記云茜一名紅藍其

花染繪赤黃也按名醫別出紅藍條非

飛廉味苦平主骨節熱腫重酸疼久服令人

身輕一名飛輕已上四字生川澤

名醫曰一名伏兔一名飛雉一名木禾生

河內正月采根七月八月采花陰乾

案廣雅云伏豬木禾也飛廉扇蘆也陶宏景云今既別有漏蘆則非此別名耳

五味子味酸溫主益氣欬逆上氣勞傷羸瘦

補不足強陰益男子精行覽引云一名會生

山谷

吳普曰五味子一名元及覽御

名醫曰一名會及一名元及生齊山及代

郡八月采實陰乾

案說文云葇荳豬也葇荳豬草也葇荳豬也廣雅云會及五味也爾雅云葇荳豬郭璞云五味也蔓生子叢在莖頭抱樸子儂藥篇云五味者五行之精其子有五味移門子服五味子十六季色如玉女八水不濡入火不灼也

旋華味甘溫主益氣去面奸御覽黑色媚好

御覽作令人色悅澤其根味辛主腹中寒熱邪氣利小

便久服不飢輕身一名筋根華一名金沸覽御

引云一名美草生平澤按御覽旋華一名蘇大觀本作黑字根生豫州或預章

名醫曰生豫州五月采陰乾

案陶宏景云東人呼為山薑南人呼為美草木草衍義云世又謂之鼓子花

蘭草味辛平主利水道殺蠱毒辟不祥久服

益氣輕身不老通神明一名水香生池澤

名醫曰生大吳四月五月采

案說文云蘭香草也廣雅云蘭也易其臭如蘭鄭云蘭香草也夏小正五月蓄蘭毛詩云方秉蘭分傳云蘭也陸璣云蘭即蘭香草也其莖葉似藥草澤蘭也子然云大蘭出漢中三輔蘭出河東宏農曰者善元楊齊賢注李白詩引本草云蘭草

澤蘭二物同名蘭草一名水香云都梁是也水經零陵郡都梁縣西小山上亭水其中悉生蘭草綠葉紫莖澤蘭如薄荷微香荆湘嶺南人家多種之與蘭大抵相類顏師古以蘭草為澤蘭非也

蛇牀子味苦平主婦人陰中腫痛男子陰痿溼痒除痹氣利關節癩癧惡創久服輕身一名蛇米生川谷及田野

吳普曰蛇牀一名蛇珠御覽

一名醫曰一名蛇粟一名地牀一名思益一

名繩毒一名藥棘一名脂藤生臨淄五月

采實陰乾

柔廣雅云蛇粟馬牀也爾雅云時神牀淮南子汜論訓云亂人者苦蛇牀之與蕪

地膚子味苦寒主癆光熱利小便補中益精

氣久服耳目聰明輕身耐老一名地葵御覽引云

一名地華一名地脈大觀本無生平澤及田

野

名醫曰一名地麥生荊州八月十月采實

陰乾

示農本草經
案廣雅云地葵地膚也列僊傳云文賓服地膚鄭樵云地膚曰落帚亦曰地掃爾雅云莽馬帚卽此也今人亦用爲帚

景天味苦平主大熱火創身熱煩邪惡氣華

主文人漏下赤白輕身明目一名戒火一名

慎火御覽引云一名水母大生川谷

名醫曰一名火母一名救火一名據火生

太山四月四日七月七日采陰乾

案陶宏景云今人皆益養之於屋上云以辟火

因陳御覽作味苦平主風溼寒熱邪氣熱結

黃坦人服輕身益氣耐老御覽作生邱陵阪

岸上

吳普曰因塵神農岐伯雷公苦無毒黃帝

辛無毒生田中葉如藍十一月采御覽

名醫曰白兔食之僊生太山五月及立秋

采陰乾

案廣雅云因塵馬先也陶宏景云僊經云白蒿白兔食之僊而今因陳乃云此恐非耳陳藏器云茵陳經冬不死因舊苗而生故名茵陳後加蒿字也据此知舊作茵陳蒿非又按廣雅云馬先疑卽馬新蒿亦白蒿之類

杜若味辛微溫主胸脇下逆氣溫中風入腦

戶頭腫痛多涕淚出入服益精藝文類聚引作益氣明

目輕身一名杜衡藝文類聚引作藹非生川澤

名醫曰一名杜連一名白連一名白苓一

名若芝生武陵及冤句二月八月采根暴

乾

案說文云若杜若香也廣雅云楚蘅杜蘅也西山經云天帝之上有草焉其狀如葵其臭如薜蘿名曰杜衡爾雅云杜土鹵郭璞云杜蘅也似葵而香楚詞云采芳洲兮杜若范子計然云若生南郡漢中又云秦蘅出於隴西天水流于補筆談云杜若

即今之高良薑後人不識又別出高良薑條按經云一名杜衡是名醫別出杜蘅條非也衡正字俗加草

沙參味苦微寒主血積驚氣除寒熱補中益

肺氣久服利人一名知母生川谷

吳普曰白沙參一名苦心一名識美一名

虎須一名白參一名志取一名文虎神農

黃帝扁鵲無毒岐伯鹹李氏大寒生河內

川谷或般陽瀆山三月生如葵葉青實白

如芥根大白如蕪菁三月采御覽

名醫曰一名苦心一名志取一名虎鬚一

名白參一名識美一名文希生河內及冤

句般陽續山二月八月采根暴乾

案廣雅云苦心沙參也其蒿青藜也
范子計然云白沙參出洛陽白者善

白兔藿味苦平主蛇虺蜂蠆狗菜肉蠱毒

注一名白葛生山谷

吳普曰白菴藿一名白葛穀御覽

名醫曰生交州

案陶宏景云都不聞有識之者想當似葛
耳唐本注云此草荆襄山谷大有俗謂之

白葛

徐長卿味辛溫主鬼物百精蠱毒疫

氣溫瘧人服強悍輕身一名鬼督郵生

吳普曰徐長卿一名石下長卿神農

辛或生隴西三月采御覽

名醫曰生太山及隴西三月采

案廣雅云徐長卿鬼督郵也陶宏景云
督郵之名甚多今俗用徐長卿者其根
如細辛小短扁扁爾氣亦相似

石龍芻味苦微寒主心腹邪氣小便不利

閉風溼鬼注惡毒久服補虛羸輕身耳目
明延季一名龍鬚一名草續斷一名龍
山谷

吳普曰龍芻一名龍多一名龍鬚一名
斷一名龍本一名草毒一名龍華一名

莞神農李氏小寒雷公黃帝苦無毒

辛無毒生梁州七月七日采御覽此誤附續

名醫曰一名龍華一名懸莞一名草毒

梁州溼地五月七月采莖暴乾

案廣雅云龍木龍須也中山經云龍須也似莞
牛山石穴中莖列垂可以為席別錄
名方賓鄭樵云爾雅所謂蓐鼠莞也

非芻

微銜味苦平主風溼痺歷節痛驚癇吐舌

氣賊風鼠瘻癰腫一名糜銜生川澤

吳普曰薇蘅一名糜蘅一名無顛

膏一名醜一名無心鬼御覽

名醫曰一名承膏一名承肌一名無心

名無顛生漢中及冤句邯鄲七月采莖

陰乾

雲實味辛溫主洩利

舊作痢御覽作泄利

腸澼殺蟲

毒去邪惡結氣止痛除熱華主見鬼精物

食令人狂走久服輕身通神明生川谷

吳普曰雲實一名員實一名天豆神農辛

小溫黃帝鹹雷公苦葉如麻兩兩相值高

四五尺大莖空中六月花八月九月實十

月采

御覽

名醫曰一名員實一名雲英一名天豆

河間十月采暴乾

案廣雅云天豆雲實也

王不留行味苦平主金創止血逐痛出刺除

風痺內寒久服輕身耐老

御覽作能老

增壽生山谷

吳普曰王不留行一名王不流行神農苦

平岐伯雷公甘三月八月采

御覽

名醫曰生太山二月八月采

案鄭樵云王不留行曰禁宮花曰剪金花葉似花實作房

升麻味甘辛

大觀本作甘平

主解百毒殺百老物殃

冠辟溫疾障邪毒蠱久服不天

大觀本作主解百毒殺百

病老物殃鬼辟瘟疫瘴氣

一名周升麻

升麻也

舊作黑字据吳普有云神農甘則本經當有此今增入

吳普曰升麻神農甘

御覽

名醫曰生益州二月八月采根日乾

柔廣雅云周麻升麻也

藜味甘寒主五藏邪氣風寒溼痹益氣補

隨堅筋骨久服耳目聰明不飢不老增壽

苗也生川谷

舊在米穀部

吳普曰青囊一名夢神神農苦雷公甘

御覽

名醫曰生中原

案抱樸子饌藥篇云孝經援神契曰巨勝延季又云巨勝一名胡麻餌服之不老耐

風溼補衰老也

姑活味甘溫主大風邪氣溼痹寒痛久服輕

身益壽耐老一名冬葵子

舊在唐本退中無毒今增

名醫曰生河東

案水經注解縣引神農本草云地有固活女疏銅芸紫苑之族也陶宏景云方藥亦無用此者乃有固活丸即是野葛一名此又名冬葵子非葵菜之冬葵子療體乖異

別羈味苦微溫主風寒溼痹身重四肢疼酸

寒邪慄節痛生川谷舊在唐本退中無毒今增

名醫曰一名別枝一名別騎一名鼈羈生

藍田二月八月采

案陶宏景云方家時有用處今俗亦絕耳

屈草味苦按御覽有微寒二字主胸脇下痛邪氣腹閉

寒熱陰痹久服輕身益氣耐老御覽作補益能老生

川澤舊在唐本退中無毒今增

名醫曰生漢中五月采

案陶宏景云方藥不復用俗無識者

淮木味苦平主久欬上氣腸中虛羸女子陰

蝕漏下赤白沃一名百歲城中木生山谷舊在唐本退中無毒今增

唐本退中無毒今增

吳普曰淮木神農雷公無毒生晉平陽河

東平澤治久欬上氣傷中羸虛補中益氣

御覽

名醫曰一名炭木生太山采無時

案李當之云是樟樹上寄生樹大術長水肌肉今人皆以胡桃皮當之非也桐君云

神農本草經上



生上浴是木皮狀如厚卦色似桂白其理
一縱一橫今市人皆割乃以厚材而無正
縱橫理不知此復是何物
莫測真假何者為是也

右草上品七十三種舊七十二種攷六芝

當為一升麻當白字米穀部誤入青蘘唐

本還六種姑活屈草淮木皆當入此

牡桂味辛溫主上氣欬逆結氣喉痹吐吸利

關節補中益氣久服通神輕身不老生山谷

名醫曰生南海

案說文云桂江南木百藥之長枝桂也南
山經云招搖之山多桂郭璞云桂葉似柞

杷長二尺餘廣數寸味辛白花叢生山峯
冬夏常青開無雜木爾雅云枝木桂郭璞
云今人呼桂皮厚者為木桂及單名桂
者是也一名肉桂一名桂枝一名桂心

菌桂味辛溫主百病養精神和顏色為諸藥

先聘通使久服輕身不老面生光華媚好常

如童子生山谷

名醫曰生交趾桂林巖崖間無骨正圓如

竹立秋采

案楚詞云雜申椒與菌桂兮王逸云
某桂皆香木列僊傳云范蠡好服桂

松脂味苦溫主疽惡創頭瘍白禿疥搔風氣

安五藏除熱久服輕身不老延季一名松膏
一名松肪生山谷

名醫曰生太山六月采

案說文云松木也或作案范子計然云松脂出隴西松膠者善

槐實味苦寒主五內邪氣熱止涎唾補絕傷

五痔火創婦人乳痂子藏急痛生平澤

名醫曰生河南

案說文云槐木也爾雅云懷槐大葉而黑郭璞云槐樹葉大色黑者名為懷又守宮槐葉晝聶宵炕布者名為守宮槐聶合而夜炕布者名為守宮槐

枸杞味苦寒主五內邪氣熱中消渴周痹久

服堅筋骨輕身不老御覽作耐老一名杞根一名

地骨一名枸杞一名地輔生平澤

吳普曰枸杞一名枸杞一名羊乳御覽

名醫曰一名羊乳一名卻暑一名僂人杖

一名西王母杖生常山及諸邱陵阪岸冬

采根春夏采葉秋采莖實陰乾

案說文云檇枸杞也杞枸杞也廣雅云地筋枸杞也爾雅云杞枸檇郭璞云今枸杞也毛詩云集于苞杞傳云杞枸檇也陸璣云苦杞秋熟正赤服之輕身益氣列僂傳

云陸通食棗盧木實抱僕子饌藥篇云象柴一名托盧是也或名嚳人仗或云西王母杖或名天門精或名卻老或名地骨或名枸杞也

柏實味甘平主驚悸安五藏益氣除溼痹久

服令人悅澤美色耳目聰明不飢不老輕身

延季生山谷按徐本除下有風字悅作潤

名醫曰生太山柏葉尤良四時各依方面

采陰乾

案說文云柏鞠也廣雅云栝柏也爾雅云柏栒郭璞云禮記曰鬯白以栒范子計然云栒脂出三輔上升管七千中三千一斗

伏苓味甘平主胸脇逆氣御覽作痴氣憂恚驚邪

恐悸心下結痛寒熱煩滿欬逆口焦舌乾利

小便久服安魂養神不飢延季一名茯菟御覽

作茯神案元本云其有抱根者名茯神作黑字生山谷

吳普曰茯苓通神桐君甘雷公扁鵲甘無

毒或生茂州大松根下入地三丈一尺二

月七月采御覽

名醫曰其有抱根者名茯神生太山大松

下二月八月采陰乾

案廣雅云茯神茯苓也范子計然云茯苓出嵩高三輔列傳云昌谷采茯苓餌而食之史記褚先生云傳曰下有伏靈上有兔絲所謂伏靈者在兔絲之下狀似飛鳥之形伏靈者于崧松根也食之不死淮南子說林訓云伏苓掘兔絲死舊作茯苓非

榆皮味甘平主大小便不通利水道除邪氣久服輕身不飢其實尤良一名零榆生山谷

名醫曰生潁川三月采皮取白暴乾八月

采實

案說文云榆白粉粉榆也廣雅云柘榆便榆也爾雅云榆白粉郭璞云粉榆先生葉卻著茨皮色白又崑崙郭璞云今云刺榆詩云東門之份傳云份曰榆也又山有

菴傳云樞莖也陸璣云其鍼刺如柘其葉如榆倫為茹美滑如白榆之類有十種葉皆相似皮及木理異矣

酸棗味酸平主心腹寒熱邪結氣聚四肢酸疼溼痹久服安五藏輕身延年生川澤

名醫曰生河東八月采實陰乾四十日成

案說文云榘酸棗也爾雅云榘酸棗郭璞云味小實酢孟子云養其榘棘趙岐云榘棘小棘所謂酸棗是也

槩木味苦寒主五藏腸胃中結熱黃疽腸痔止洩利女子漏下赤白陰傷蝕創一名檀桓

生山谷

名醫曰生漢中及永昌

案說文云槩黃木也槩木也司馬相如賦有槩張揖云槩木可染者顏師古云槩黃也

乾漆味辛溫無毒主絕傷補中續筋骨填髓

喘安五藏五緩六急風寒溼痹生漆去長蟲

久服輕身耐老生川谷

按徐本無無毒二字

名醫曰生漢中夏至後采乾之

案說文云漆木汁可以髹物象形漆如水滴而下以漆為漆水字周禮載師云漆林

之征鄭元云故書漆林為漆林杜子春云當為漆林

五加皮味辛溫主心腹痛氣腹痛益氣療臂

小兒不能行疽創陰蝕一名豺漆

名醫曰一名豺節生漢中及冤句五月十

月采莖十月采根陰乾

案大觀本草引東華真人煮石經云舜常登蒼梧山曰厥金玉之香草朕則偃息正道此乃五加也魯定公母單服五加酒以致不死

蔓荆實味苦微寒主筋骨閒寒熱痹拘攣明

日堅齒利九竅去白蟲久服輕身耐老小荆

實亦等生山谷

名醫曰生河閒南陽宛句或平壽都鄉高

岸上及田野中八月九月采實陰乾

案廣雅云牡荊蔓荊也廣志云楚荊也牡荊蔓荊也据牡荊聲相近故本經于蔓荊不載所出州土以其見牡荊也今或別為二條非

辛夷味辛溫主五藏身體寒風頭腦痛面疔

久服下氣輕身明目增季耐老一名辛矧御

作一名侯桃一名房木生川谷按徐本寒下有熱字

名醫曰九月采實暴乾

案漢書揚雄賦云列新雉於林薄師古云新雉即辛夷耳為樹甚大其木枝葉皆芳一名新矧史記司馬相如傳雜以流夷注漢書音義曰流夷新夷也陶宏景云小時氣辛香即離騷所呼辛夷者陳藏器云初發如筆北人呼為木筆其花最早南人呼為迎春按唐人名為玉蕊又曰玉蘭

桑上寄生味苦平主腰痛小兒背強癰腫安

胎充肌膚堅髮齒長鬚眉其實明目輕身通

神一名寄屑一名寓木一名宛童生川谷

名醫曰一名蔦生宏農桑樹上三月三日

采莖陰乾

案說文云葛寄生也詩曰葛與女蘿或作
鵠廣雅云宛童寄生也又寄屏寄生也
中山經云龍山上多葛木郭璞云寄生也
爾雅云寓木宛童郭璞云寄生樹一名葛
毛詩云葛與女蘿傳云葛寄生也陸璣云
葛一名寄生葉似當盧子如覆盆子赤黑
美甜

杜仲味辛平主要脊痛補中益精氣堅筋骨
強志除陰下痒溼小便餘瀝久服輕身耐老
一名思儂生山谷

吳普曰杜仲一名木縣一名思仲

御覽

名醫曰一名思仲一名木縣生上虞及上

黨漢中二月五月六月九月采皮

案廣雅云杜仲曼榆也博物志云杜仲皮中有絲折之則見

女貞實味苦平主補中安五藏養精神除百
疾久服肥健輕身不老生山谷

名醫曰生武陵立冬采

案說文云楨剛木也東山經云太山上多
楨木郭璞云女楨也葉冬不凋毛詩云南
山有杞陸璣云木杞其樹如檮棗器一
名狗骨理白滑其子為木蜜子可合藥司
馬相如賦有女貞師古曰女貞樹冬夏常
青未嘗凋落若有節操故以名焉陳藏器
云冬
青也

木蘭味苦寒主身大熱在皮膚中去面熱赤
炮酒釀惡風癩疾陰下痒溼明耳目一名林
蘭生川谷

名醫曰一名杜蘭皮似桂而香生零陵及

太山十二月采皮陰乾

案廣雅云木欄桂欄也劉達注蜀都賦云
木蘭大樹也葉似長生冬夏榮常以冬華
其實如小柿甘美南人以爲梅其皮可食
顏師古注漢書云皮似椒而香可作面膏
藥

蕤核味甘溫主心腹邪結氣明目目赤痛傷

淚出久服輕身益氣不飢生川谷

吳普曰蕤核一名蕤神農雷公甘平無毒

生池澤八月采補中強志明目久服不飢

御覽

名醫曰生函谷及巴西

案說文云椶白椶椶爾雅云椶白椶郭璞
云椶小木叢生有刺實如耳璫紫赤可啖
一切經音義云本草
作蕤今椶核是也

橘柚味辛溫主胸中瘕熱治氣利水穀久服

去臭下氣通神一名橘皮生川谷

舊在果部非

申農本草經上

名醫曰生南山江南十月

案說文云橘果出江南... 爾雅云柚條郭璞云似... 貢云厥包橘柚偽孔云大... 子湯問篇云吳楚之國有... 碧樹而冬生實丹而味酸... 厥之疾司馬相如賦有橘... 橙也似橘而... 大味酢皮厚

右木上品二十種舊一十九種

柚當入此案橘柚仍當從... 類本草移入果部

髮髮味苦溫主五癰關格不通利小便水道
療小兒癩大人瘞仍自還神化

案說文云髮根也髮鬣也鬣髮也或... 毛詩云不屑髦也箋云髦髮也儀禮云主... 婦被錫注云被錫讀為髮鬣古者或別... 者刑者之髮以被婦人之紵為飾因名髮... 鬣焉李當之云是童男髮据漢人說髮鬣... 當是剃刑人髮或童男髮本經云忍取人... 髮用之故用剃餘也方家至馬天靈蓋... 害及枯骨卒不能治病古人

右人一種舊同

龍骨味甘平主心腹鬼注精物老魅欬逆洩
利膿血女子漏下癥瘕堅結小兒熱氣驚癇
齒主小兒大人驚癇瘕疾狂走心下結氣不
能喘息諸瘕殺精物久服變身通神明延年

生山谷

吳普曰龍骨生晉地山谷陰大水所過處是龍死骨也青白者十二月采或無時

龍角畏乾漆蜀椒理石齒神農李氏大寒治驚癇久服輕身御覽大觀本

名醫曰生晉地及太山水岸土穴龍處采無時

案范子計然云龍骨生河東

麝香味辛溫主辟惡精物溫瘧

癩疔去三蟲久服除邪不夢寤厭寐生川谷

名醫曰生中臺及益州雍州山中春分取

之生者益良

案說文云麝如小麋脂有香黑色麝也

香

黃味苦平主驚癇寒熱熱盛狂瘥除邪逐

生平澤

吳普曰牛黃味苦無毒牛出入呻御覽作鳴吼

者有之夜有光御覽作夜視有光走御覽有牛字角中

牛死入膽中如雞子黃

後漢書延篤傳注

名醫曰生晉地於牛得之即陰乾百日使

時躁無合見日月光

熊脂味甘微寒主風痹不仁筋急五藏腹中積聚寒熱羸瘦頭瘍白禿面肝炮久服強志不飢輕身生山谷

名醫曰生雍州十一月取

案說文云熊獸似豕山居冬蟄

白膠味甘平主傷中勞絕要痛羸瘦補中益

氣婦人血閉無子止痛安胎久服輕身延季

一名鹿角膠

名醫曰生雲中煮鹿角作之

案說文云膠昵也作之以皮考工記云鹿膠青白牛膠火赤鄭云皆謂煮用其皮或

用角

阿膠味甘平主心腹內崩勞極灑灑如瘡狀要腹痛四肢酸疼女子下血安胎久服輕身益氣一名傅致膠

名醫曰生東平郡煮牛皮作之出東阿

案二膠本經不著所出疑本經但作膠名醫增白字阿字分爲二條

右獸上品六種舊同

丹雄雞味甘微溫主女人崩中漏下赤白沃
補虛溫中止血通神殺毒辟不祥頭主殺鬼
東門上者尤良肪主耳聾腸主遺溺牝脰裏
黃皮主洩利尿白主消渴傷寒寒熱黑雌雞
主風寒溼痺五緩六急安胎翮羽主下血閉
雞子主除熱火瘡癩瘻可作虎魄神物雞白
雞肥脂生平澤按徐本無通神七字無助主八字引至寒熱

吳普曰丹雞卵可作琥珀御覽

名醫曰生朝鮮

案說文云雞知時畜也籀文作雞肪肥也腸大小腸也脰鳥脰脰鳥胃也菌糞也翮羽莖也羽鳥長毛也此作牝省文尿卽尿字古文徒亦菌假音字也

雁肪味甘平主風孿拘急偏枯氣不通利久服益氣不飢輕身耐老一名鶩肪生池澤

吳普曰鴈肪神農岐伯雷公甘無毒御覽有鶩

名醫曰生江南取無時

案說文云鴈也驚舒鳥也廣雅云鳴鵝
倉鵝也鳥驚鵝也爾雅云舒鵝郭璞
云禮記曰出如舒鵝今江東呼鵝又舒鳥
驚郭璞云鵝也方言云鵝自關而東謂之
鳴鵝南楚之外謂之鵝或謂之倉鵝據說
文云別有雁以為鴻雁字無鵝字鵝即雁
之急音此雁肪即鵝鵝脂也當作鵝字雁
醫不曉別出鵝肪條又出白鵝鵝條反疑
此為鴻雁何其謬
也陶蘇皆亂說之

右禽上品二種舊同

石蜜味甘平主心腹邪氣諸驚癩瘞安五藏
諸不足益氣補中止痛解毒除眾病和百藥
久服強志輕身不飢不老一名石飴生山谷

吳普曰石蜜神農雷公甘氣平生河源或

河梁

御覽又一引云
生武都山谷

名醫曰生武都河源及諸山石中色白如

膏者良

案說文云蠶繭甘節也一曰螟子或作蜜
中山經云平逢之山多沙石實惟蜂蜜之
廬郭璞云蜜赤蜂名西京雜記云南越王
獻高帝石蜜五斛玉篇云蠶繭甘節也蘇
恭云常
去石字

蜂子味甘平主風頭除蠱毒補虛羸傷中人
服令人光澤好顏色不老大黃蜂子主心腹

復滿痛輕身益氣土蜂子主癰腫一名蜚零
生山谷

名醫曰生武都

案說文云蠶飛蟲螫人者古文省作蠶廣雅云蠶蟪蜂也又土蜂蟪蟪也爾雅云土蠶郭璞云今江南大蠶在地中作房者為土蠶啖其子即馬蠶今荆巴間呼為蠶又木蠶郭璞云似上蠶而小在樹上作房江東亦呼為木蠶又食其子禮記檀弓云范則冠鄭云范蠶也方言云蠶燕趙之閒謂之蠶蟪其小者謂之蠶蟪或謂之蠶蛻其大而蜜謂之壺蠶郭璞云今黑蠶穿竹木作孔亦有蜜者或呼笛師按蠶名為范者聲相近若司馬相如賦以泥為楓左傳颯颯即汎汎也

蜜蠟味甘微溫主下利膿血補中續絕傷金創益氣不飢耐老生山谷

名醫曰生武都蜜房木石閒

案西京雜記云南越王獻高帝蜜燭二百枝玉篇云蠟蜜滓陶宏景云白蠟生於蜜中故謂蜜蠟說文無蠟字張有云臘別蠟非舊作蠟今据改

牡蠣味鹹平主傷寒寒熱溫瘡灑灑驚恚怒氣除拘緩鼠瘦女子帶下赤白久服強骨節殺邪氣延季一名蠣蛤生池澤

名醫曰一名牡蛤生東海采無時

案說文云螭蚌屬似蠓微大出海中今民食之讀若賴又云蜃屬有三皆生於海蛤厲千歲雀所化秦謂之牡厲

龜甲味鹹平主漏下赤白破癥瘕瘡五痔陰蝕溼痺四肢重弱小兒顛不合久服輕身不飢一名神屋生池澤

名醫曰生南海及湖水中采無時

案廣雅云介龜也高誘注淮南云龜殼龜甲也

桑蜚蛸味鹹平主傷中疝瘕陰痿益精生子女子血閉要痛通五淋利小便水道一名蝕

朮生桑枝上采蒸之

吳普曰桑蛸條一名此今本脫蝕朮一

焦一名致神農鹹無毒御覽

名醫曰螳螂子也二月三月采火炙

案說文云蠹蟲蛸也或作蜚蛸蠹蛸蠹蛸子廣雅云螭烏澳冒焦螭蛸也爾雅云不過螭螭其子蜚蛸郭璞云一名螭蛸螭卵也范子計然云螭蛸出三輔上價三百舊作螭聲相近字之誤也玉篇云蜚同螭

海蛤味苦平主欬逆上氣喘息煩滿胸痛寒

熱一名魁蛤

吳普曰海蛤神農苦岐伯甘扁鵲鹹大節
頭有文文如磨齒采無時

名醫曰生南海

案說文云蚶屬海蚶者百歲燕所化
蚶一名復蠟老服翼所化爾雅云蚶陸
璞云本草云魁狀如海蛤圓而厚朴有
縱橫卽今之蚶也周禮鷺人供廡鄭司
云廡蛤也杜子春云廡蚌也周書王會
東越海蛤孔晁云蛤文蛤按名醫別出
蛤條云一名魁
陸一名河東非

文蛤土惡瘡蝕御覽作五痔御覽下存大

名醫曰生東海表有文采無時

蠡魚初學記引味甘寒主溼痹面目浮腫下

大水一名鯛魚生池澤

名醫曰生九江采無時

案說文云鱻鯛也鯛鱻也讀若絳權廣雅
云鱻鯛鯛也爾雅云鱻郭璞云鱻也毛詩
云魴鱻傳云鱻鯛也據說文云鱻也與
鱻不同而毛萇郭璞以鯛釋鱻與許不合
然初學記引此亦作鱻蓋二字音同以致
譌舛不可得詳廣雅又作鱻亦音之譌又
廣志云豚魚一名鯛鯛更異解也又陸璣
云鯛卽鮑魚也似鯛狹而厚今京東人猶
呼醴魚又本草衍義曰蠡魚今人謂之黑
鯉魚道家以爲頭有星爲厭據此諸說若

衍鱸字說文所云鮪廣志以為江豚本草
鱸義以為黑鯉魚苦作鯉字說文又以為
廣雅以為鰻鱧陸璣以為
鮪魚說各不同難以詳究

鯉魚膽味苦寒主目熱赤痛青盲明目久服
強悍益志氣生池澤

名醫曰生九江采無時

案說文云鯉鱣也鱣鯉也爾雅云鯉鱣舍
人云鯉一名鱣郭璞注鯉云今赤鯉魚注
鱣云大魚似鱣毛詩云鱣鮪發發傳云鱣
鯉也居此知郭璞別為二非矣古今注云
兖州人呼赤鯉為赤鱣謂青鯉為青馬
黑鯉為元駒白鯉為白騏黃鯉為黃雉
石鱣魚上品一十種舊同

萬寶莖味甘平主補中養神益氣力除百疾
久服輕身耐老不飢延季一名水芝丹生池
澤

名醫曰一名蓮生汝南八月采

案說文云蒲夫渠根蓮夫渠之實也蒲夫
渠莖爾雅云荷芙渠郭璞云別名芙蓉江
東呼荷又其莖茄其實蓮郭
璞云蓮謂房也又其根藕

大棗味甘平主心腹邪氣安中養脾助十二
經平胃氣通九竅補少氣少津液身中不足
大驚四肢重和百藥久服輕身長年葉覆麻

黃能令出汗生平澤

吳普曰棗主調中益脾氣令人好顏色美

志氣大觀本草引吳氏本草

名醫曰一名乾棗一名美棗一名良棗八

月采暴乾生河東

案說文云棗羊棗也爾雅云遵羊棗郭璞云實小而圓紫黑色今俗呼之為羊矢棗又洗大棗郭璞云今河東猗氏縣出大棗子如雞卵

蒲萄味甘平主筋骨溼痹益氣倍力強志令人肥健耐飢忍風寒久食輕身不老延年可

作酒生山谷

名醫曰生隴西五原敦煌

案史記大宛列傳云大宛左右以蒲萄為酒漢使取其實來於是天子始種苜蓿蒲萄肥饒地或疑此本經不合有蒲萄名醫所增當為黑字然周禮場人云樹之果麻珍異之物鄭元云珍異蒲萄枇杷之屬則古中國本有此大宛種類殊常故漢特取來植之舊作蒲

蓬蘽味酸平主安五藏益精氣長陰令堅強志倍力有子久服輕身不老一名覆盆生平

澤

吳普曰缺盆一名決盆御覽甄氏本草曰覆

蓋子一名馬瘦一名陸荆同上

名醫曰一名陵藁一名陰藥生荆山及宛

句

案說文云藁木也莖缺盆也廣雅云藁盆陸英苒也爾雅云莖缺盆郭璞云覆盆也實似苒而小亦可食毛詩云葛藟藟之陸賤云一名巨瓜似燕藁亦連藟葉似艾白色其子亦可食列傳云昌黎食蓬藁根李當之云卽是人所食苒陶宏景云蓬藁是根名覆盆是實名

雞頭實味甘平主溼痹要脊郛痛補中除暴

益精氣強志令耳目聰明久服輕身不飢

耐老神僊一名鴈啄實生池澤

名醫曰一名芡生雷澤八月采

案說文云芡雞頭也廣雅云芡芡雞頭也周禮籩人加籩之實芡鄭元云芡雞頭也方言云芡芡雞頭也北燕謂之芡青徐淮泗之間謂之芡南楚江湖之間謂之雞頭或謂之雁頭或謂之烏頭淮南子說山訓云雞頭已瘦高誘云水中芡幽州謂之雁頭古今注云葉似荷而大葉上蹙縐如沸實有芒刺其中有米可以度飢卽今芡子也

右果上品五種舊六種今以橘入木

胡麻味甘平主傷中虛羸補五內御覽作藏益氣力長肌肉填髓啗久服輕身不老一名巨勝葉名青蘘生川澤

吳普曰胡麻一名方莖神農雷公甘無毒一名狗蝨立秋采
名醫曰一名狗蝨一名方莖一名鴻藏生

上黨案廣雅云狗蝨巨勝藤也胡麻也李經援神契云鉅勝延年宋均云世以鉅勝為荷杞子陶宏景云本生大宛故曰胡麻按木經已有此陶說非也且與麻蕒並列其之

言大或以葉大於麻故名之

麻蕒味辛平主五勞七傷利五藏下血寒氣多食令人見鬼狂走久服通神明輕身一名麻勃麻子味甘平主補中益氣肥健不老神僊生川谷

吳普曰麻子中仁神農岐伯辛雷公扁鵲無毒不欲牡厲白薇先藏池中者食殺人麻藍一名麻蕒一名青羊一名青葛神農辛岐伯有毒雷公甘畏牡厲白薇葉上有

毒食之殺人麻勃一名麻花雷公辛無毒

畏牡厲御覽

名醫曰麻勃此麻花上勃勃者七月七月

采夏子九月采生太山

案說文云麻與麻同人所治在屋下泉窟也
也脆柔實也或作賴芋麻母也莫芋也
黃為雜香草爾雅云廣泉實泉麻孫炎云
廣麻子也郭璞云別二名又芋麻母郭璞
云苴麻盛子者周禮籩朝事之籩其實禮
廣鄭云廣泉實也鄭司農云麻實曰廣准
南子齊俗訓云胡人見廣不知其可以為
布高誘云廣麻實也据此則宏景以為生
麻無實非也唐
以為麻實是

右米穀上二種舊三種今以青蘘人草

冬葵子味甘寒主五藏六府寒熱羸瘦五癰

利小便八服堅骨長肌肉輕身延季

名醫曰生少室山十二月采之

案說文云昇古文終葵菜也廣雅云歸葵也
也及昇與終形相近當即爾雅終葵爾雅
云終葵繁露郭璞云承露也大莖小葉華
紫黃色本草圖經云吳人呼為繁露俗呼
胡燕支子可婦人塗面及作口脂按名醫
別有落葵條一名繁露亦非也陶宏景以
為終葵至春作子謂
之冬葵不經甚矣

菟實味甘寒主青盲明目除邪利大小便去

寒熱久服益氣力不飢輕身一名馬莧

名醫曰一名莫實生淮陽及田中葉如藍

十一月采

案說文云莧莧菜也爾雅云蕒赤莧郭璞云今莧葉之赤莖者李當之云莧實當是今白莧唐本注云赤莧一名蓮今名莫實字誤

瓜蒂味苦寒主大水身面四肢浮腫下水殺

蠱毒欬逆上氣及食諸果病在胸腹中皆吐

下之生平澤
名醫曰生嵩高七月七日采陰乾

案說文云瓜瓜也象形蒂瓜當也廣雅云水芝瓜也陶宏景云甜瓜蒂也

瓜子味甘平主令人悅澤好顏色益氣不飢

瓜服輕身耐老一名水芝御覽作上芝生平澤

吳普曰瓜子一名瓣七月七日采可作面

脂御覽

名醫曰一名白瓜子生嵩高冬瓜仁也八

月采

案說文云瓣瓜中實廣雅云冬瓜菰也其子謂之瓢陶宏景云白當為甘舊有白字据名醫云一名白瓜子則本名當無

苦菜味苦寒主五藏邪氣厭穀胃痹久服安
心益氣聰察少臥輕身耐老一名茶草一名
選生川谷

名醫曰一名游冬生益州山陵道旁凌冬
不死三月三日采陰乾

案說文云茶苦菜也廣雅云游冬苦菜也
爾雅云茶苦菜又檟苦茶郭璞云樹小如
梔子冬生葉可煮作羹今呼早采者為茶
晚取者為茗一名薜蜀人名之苦茶陶宏
景云此即是今茗茗一名茶又令人不眠
亦凌冬不凋而嫌其止生益州唐本注發
之非矣選與
薜音相近

茶上品五種舊同

